



Ho kapindi kwereko na foro raruhe. Foro riri
were rikaishi na asenae ko tsakani.






Siku mwenga foro radzilola mwiriwe na kuanza
kuamba “mmmh, mbona ni mwaruhe vino?”






“Nikale nahendwadze? Je hangine arya
asenangu manamanya sababu?”






“Haya ndakwenda nikaauze hangine
manamanya sababuye.”






Foro rauka richenda kwa musenawe kibok'o
kumuza kuhusu waruhewe.






“Musenangu kibok’o! Musenangu!
Musenangu kibok’o.”






“Nikuze ut’u. Kukale kuna ngira nyingine
ambayo inadima kunihenda nikakala mudzo
zaidhi here uwe?”






Kibok'o akimwamba, "Musenangu vizho urizho
be unafahiza sana."






Foro akiamba “hapana!, hapana! Hapana!
Nagwirwa ni nongo rahisi na namala nikale
here uwe.”






Kibok'o akimwamba “sawa , vikara uthayari
nikuhake rangi mo mwirini mwako?”





Foro rikiamba “sawa kwanza ndambolat’o kishe ndafahiza.”





Kibok'o kikiama kumuhaka rafikiye foro rangi mo mwirini mwakwe. kulahiza siku iyo foro rikikala na misithari misithari mo mwirini.